

**АНГИ /САЛБАР/ - ИЙН БИЕ БҮРЭЛДЭХҮҮН АНГИЙНХАА БАЙЛДААНЫ  
ТУГИЙН ДОР ЭХ ОРОН АРД ТҮМЭНДЭЭ ӨРГӨСӨН ТАНГАРАГАА  
ДАВТАН, ТӨРИЙН ДУУЛЛАА ДУУЛАХ ХҮНДЭТГЭЛИЙН АЖИЛЛАГААГ  
ЯВУУЛАХ ЖУРАМ**

1. Байлдааны тугийг залж гаргах, жагсаалд байрлуулах, буцааж оруулахыг Монгол Улсын “Цэргийн жагсаалын дүрэм”-ийн 7 дугаар бүлэгт заасны дагуу зохион явуулна.

2. Тангараг давтах дарааллыг албад, тасгаар нь Зэвсэгт хүчний анги, байгууллагын захирагч, даргын тушаалаар тогтооно.

3. Гэрээт болон хугацаат албаны түрүүч, байлдагч нар өдөр тутмын хувцастай байна. Офицер, ахлагч нарт ангийн тухайн өдрийн гүйцэтгэх ажлын онцлогоос шалтгаалан Зэвсэгт хүчний ангийн захирагч, дарга хувцасны төрлийг тогтооно.

4. Хээрийн гаралт, сургалтын төв, талбайд хийх дадлагад гарах анги, салбар нь хээрийн гаралт, сургалтын төв, талбайд хийх дадлагад гарахын өмнө ангийн байрлалдаа хүндэтгэлийн ажиллагааг явуулна.

5. Цэргийн тангарагийг бие бүрэлдэхүүн цээжээр уншиж, Төрийн дууллыг үлээвэр найрал хөгжмийн аянд бүгд зэрэг дуулна.

6. Хүндэтгэлийн ажиллагааны төгсгөлд захирагч өнгөрсөн сарын үйл ажиллагааны хэрэгжилт, дараа сарын зорилтыг бие бүрэлдэхүүнд агуулгаар нь товч танилцуулж, амжилт хүснэ.

7. Тангараг давтах алба хаагчдын нэрийн жагсаалтыг алба, салбар, салаа, тасаг, бүлгээр нь гаргаж, ангийн нууц болон бичиг хэрэгт хадгална.